



**Francisci Monacelli Eugubini J. U. D. Protonotarii  
Apostolici, olim Ecclesiae Venusinae, ac deinde Aesinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad  
Officium Judicis nobile, continentur ; Opus Episcopis, Vicariis Generalibus,  
Aliisque Iurisdictionem quasi Episcopalem exercentibus: necnon  
Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetiis, 1706**

Licentiæ exercendi Tutelam Formula IV.

---

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Licentia Exercendi Tutelam.

FORMULA IV.

SUMMARIUM.

1 Clerici si velint possunt Tutelam Consanguineorum usque ad quartum gradum suscipere, immò si renuant cogi.

2 Clerici Tutelam Testamentariam, & Dativam extraneorum exercere non valent nisi pauperum, & miserabilium personarum.  
3 Licentia exercendi Tutelam conceditur sæpè a Papa, vel à Sac. Congregatione.  
4 Clericus exercens Tutelam Testamentariam, vel Dativam sine dispensatione, potest ab Episcopo puniri, sed actus per eum gesti validi sunt.

N. Episcopus N.

Dilectio &amp;c.

CUM tu N. & N. pupillorum uti proximior Tutor legitimus, & à jure datus existas, Tutelam, & Curam eorundem usque dum ad legitimam ætatem pervenerint, suscipere, & gerere, atque omnia, & singula, quæ ad Tutores, & Curatores de jure, usu, vel consuetudine pertinent, facere, & exercere possis, licentiam, & facultatem concedimus; dummodo tamen negociis, personis Ecclesiasticis à jure interdictis, nullatenus te immisceas, sed omninò abstineas. In quorum, &c. Datum, &c.

N. Episcopus N.

Loco ✕ Sigilli.

N. Cancellarius Episcopalis.

ADNOTATIONES.

1 **TUTOR LEGITIMUS.** Possunt Clerici, si velint, Tutelam legitimam consanguineorum usque ad quartum gradum subire, sed administrationem suscipere non debent, nisi accedente Superioris licentia, Grass. de effect. Cler. effect. 16. n. 19. & 22. immò si renuant, & cogi, ut ex Turrecrem. in c. fin. dist. 86. firmat Passer. de stat. hom. to. 2. q. 187. art. 2. n. 131.

2 Quo verò ad Tutelam Testamentariam, & Dativam extraneorum, Clerici ab Episcopo non dispensantur, nisi pro pupillis pauperibus, aliisque personis miserabilibus, pro quibus quando alius Tutor aptus non posset inveniri, posset etiam cogi: vel nisi Clericus esset datus Tutor in Testamento, cui de jure esset Tutela delata

Grass. ubi supra n. 17. & 24. & cap. ultima. dist. 86. cap. 1. dist. 87. ubi gloss. Surd. decif. 207. n. 23. Bellet. disq. Cler. tit. de discipl. Cler. §. 32. num. 2.

3 **LICENTIAM CONCEDIMUS.** Non solum Episcopus licentiam pro legitima Tutela concedit, sed sæpè expeditur Papæ dispensatio, de qua habetur formula apud Corrad. prax. dispens. lib. 5. c. 4. n. 17. vel etiam frequentius solet obtineri licentia Sac. Congr. Episcoporum & Regular. cujus Formulam dat Nicol. lucubr. civil. lib. 1. tit. 14. & Nicolio non citato transcribit Pignatell. consult. 10. n. 12. tom. 5. & testatur Corrad. ibid. lib. 5. c. 6. n. 39.

4 Quatenus autem Clericus Tutelam Testamentariam, vel Dativam suscipere, & exerceat absque dispensatione, posset quidem ab Episcopo puniri, sed actus

actus per eum gesti validi essent : quia de jure canonico, prohibitio agendi non irritat actum, nisi lex prohibens contineat expressè, vel æquivalenter irritationem, ut latè probat Passerin. de elect. cup. 9. q. 1. num. 3. & seqq. & de stat. hom. tom. 2. q. 177. art. 2. num. 129.

Licentiæ Venandi.

FORMULA V.

SUMMARIUM.

- 1 Clerici licita est venatio recreationis gratia.
- 2 Clericis venatio nimis frequens non est de jure permessa.
- 3 Venatio diebus festis, & tempore jejuniorum non est licita.
- 4 Clerici venando non debent habitum deponere.
- 5 Clerici rete, vel laqueo venari possunt, sed non armis.

- 6 Licentia ferendi Sclopus est contra honestatem status Clericalis. Clericis licentia ferendi arma conceditur ad tuendam vitam, vel terrendos latrones, ibid.
- 7 Episcopus non dispensat in jure communi. Adstringitur servare Canones ibid. Non concedit licentiam pro delatione armorum, nisi ad præscriptum S. Canonum.
- 8 Episcopi concedendo licentiam Sclopi venatorii abutuntur potestate.
- 9 Pignatell. reicitur.
- 11 Sclopus est genus armorum aptum ad naturaliter offendendum.
- 12 Usus deferendi Sclopus quoad Clericos est abusus.
- 13 Concil. Trid. improbat inobservantiam Sac. Canonum, & ad observantiam reduci mandat.
- 14 Quæ sit venatio clamosa.
- 15 Licentia venandi Superioris semper est exigenda.
- 17 Licentia venandi Clericis gratis debet concedi, & n. 18.

**T**ibi, ut moderatè recreationis causa, exceptis diebus festivis, & jejuniorum, & numquam Clericali habitu deposito, absque incurfu pœnarum, & molestia nostræ Curix, laqueo, vel rete venari possis, & exclusa venatione clamosa, & illicita ad nostrum beneplacitum servatis præfatis conditionibus, licentiam pro foro externo gratis concedimus. Datum &c.

N. Episcopus sive Vicarius Generalis N.

Loco ✠ Sigilli.

N. Cancellarius Episcopalis.

ADNOTATIONES.

**M**ODERATÆ RECREATIONIS. Tunc Clericis licitum est venari, si rarò, silentio, & modestia, alicujus utilitatis gratia saltem recreativè fiat, ut bene distinguunt Host. in sum. tit. de Cler. venat. num. 2. & 3. qui sic dicit -- perraro igitur, & ex causa necessitatis, vel utilitatis, saltem recreativè, & non aliter, Clericis licitum est venari, & Bertachin. in repert. verb. venatio vers. 4.

2. Si enim venatio esset nimis frequens

sine ulla necessitate, non esset Clericis licita, quamvis fieret sine strepitu, Menoch. de arbitr. cas. 413. num. 16. Sperell. decis. 124. num. 31. tum quia ratione nimietatis, & modi non esset necessaria, nec honesta: tum quia in nimis frequenti venatione, quæ sine sumptu experi non potest, intervenit malus usus, & abusus redituum Ecclesiasticorum, ut advertit Passerin. de stat. hom. tom. 2. qu. 187. art. 2. num. 299. circa med.

3. EXCEPTIS DIEBUS FESTIVIS. Ratione temporis non tantum Clericis, sed etiam Laicis est illicita venatio, pu-  
ta